

古文苑

十



古文苑卷第二十

誄

揚雄元后誄

傅毅北海王誄

魏文帝曹蒼君舒誄

元后誄

揚雄

漢書本傳孝元皇后王莽之姑也莽篡漢國  
號新更命太皇太后為新室文母年八十四  
崩莽詔大夫揚雄作誄曰太陰之精沙麓之  
靈作合於漢配元生成著其協於元城沙麓  
太陰精者  
謂夢月也

新室文母太后崩天下哀痛號哭涕泗思慕功

德咸上極誄之銘曰上極謂陳薦莫  
之物一無極字

惟我有新室文母聖明皇太后姓出黃帝西陵

昌意實生高陽史記黃帝娶於西陵之女生二子其  
二曰昌意降居若水昌意生高陽有

聖德焉是為帝顓頊  
昌意至舜七世矣純德虞帝孝聞四方登陟帝

位禪受伊唐爰初胙土陳田至王漢書本傳黃帝  
八世生虞舜二



起媯汭以媯為姓至周武王封舜後媯滿於陳十一世生  
完字敬仲齊二百公以為卿姓田氏十一世田和有齊  
國三世稱王至王建為秦所滅項羽起封建孫安營相  
為濟北王漢興安失國齊人謂之王家因以為氏

厥宇度河濟旁沙麓之靈太陰之精公孫孺徙魏元城委粟

里元城建公曰昔春秋沙麓崩晉史卜之日後六百四十五年宜有聖女與其齊田平今王翁孺徙正直其地日月當之元城郭東有五鹿之虛即沙麓也翁孺生禁二生政君即元后也母李氏任政君在身夢見月入其懷

天生聖姿豫有祥禎作合于漢配元生成本傳五厥

中后入掖庭宣帝令送太子宮甘露三年生孝順皇姑

承家尚莊一作聖敬齋莊皇姑宣帝內則純被一作備內

則閨闈之禮度也後烈丕光落幸初配元天命是將

兆徵顯見新都黃龍新大也謂元帝時黃龍見漢

成既終胤嗣匪生成帝無子立定陶恭王哀帝承祚惟

離典經尚是言異帝入繼大統尊定陶恭王為恭皇帝因曰

丁姬為帝太后皆不合典禮惟大命俄顛厥年夫隕大終

是已者是尚其言寔乖於正理不盈哀帝在位六年壽二十六文母覽之千載不傾木后察此為基博

選大智新都宰衡明聖作佐與圖國艱以度厄運

徵立中山新都侯莽迎立中山王是庶其可濟博采淑女

備其姪娣覲一作禮高禱祈廟嗣繼太后為平帝聘莽

祀高禱祈嗣續靡格匪天靡動匪地穆穆明明昭事

以衍宗廟之繼上帝弘漢祖考夙夜匪懈興滅繼絕博立侯王親

睦庶族昭穆序明帝致支屬靡有遺荒咸被祚慶平

帝

紀二年立代孝王、玄孫之子如意為廣宗主江都易王孫  
研台侯官為廣川王廣川惠王曾孫倫為廣德王封霍光  
從父昆弟曾孫張敖周勃樊噲之後皆為列侯冀以金火赤仍有央金劉姓火漢德赤火  
之色有央猶未央也勉進大聖上下兼該大聖指莽也上文皆諛詞

以文莽群祥無不瑞正我黃來火德將滅莽自以代之姦謀漢為土德

色尚惟后于斯天之所壞人不敢支哀平夭折

百姓分離祖示之愆終其不全天命有託謫在

于前屬遭不世榮一作榮極而遷皇天眷命黃虞之

孫歷世運移三蜀在聖新代于漢劉受祚于天漢

祖承命赤傳于黃言漢不敢違天命遂攝帝受禪以火德傳于土德

立為具皇允受一作執厥中以安黎衆漢廟黜廢移

定安公莽篡位封孺子嬰為定安公皇皇靈祖惟若孔臧降茲

珪璧命服有常為新帝母鴻德不忘欽德伊何

奉命是行菲薄服食神祇是崇尊不虛統惟祇

惟庸一作惟隆循一作脩人敬先民是從承天祇家允

恭虔恪豐阜庶卉旅力不射恤民于留不皇詭

作以崇本務農為悠久之道七獵未習弗暇為之爾雅云留久也別計十邑國之是度

還奉于此以處貧薄平帝紀元始二年太后省所食湯沐邑十縣屬大農別計其租以贍

貧罷苑置縣築里作宅以處貧窮哀此黎庶獨罷安定呼

池苑以為安民縣又起五里於長安城中宅二日區以居貧民起常盈倉君五十萬斛為諸

生儲以勸好學王莽傳為學者築舍萬區作市常滿倉君蓋元始中猶避惠帝諱至此方稱常盈志

在黎元是勞是勤春巡灞澹秋臻黃山灞澹長安城中二水

名黃山宮在槐里夏撫鄠杜扶風二縣名冬卹涇湫涇水之際撫卹謂因游覽而施恩惠

大射饗飲飛羽之門飛羽殿在未央宮中綏有耆幼不拘婦

人刑女歸家以育貞信元年天下女徒已論歸家復貞婦鄉一人三年詔曰復貞

婦歸女徒欲以全貞信玄冥季冬搜狩上蘭上蘭觀名在上林中寅賓

出日東秩暘谷鳴鳩拂羽戴勝降桑汲冢周書時訓解穀

兩又五日鳴鳩拂其羽又五日戴勝降于桑皆蠶候也焚蟲于繭館笑宮殿疏云上林苑有繭觀蓋蚕繭之所

躬筐執曲帥導群妾咸循蚕簇筐曲皆育蠶之具簇

竹器以茅藉之承老蠶作繭分繭理絲女工是始以遐邇蒙祉中

外禔福自京逮海靡不仰德成類以存生秉天地

經無物不理無人不寧尊號文以與新有成世

奉長壽莽墮壞孝元廟獨置故殿為之靡墮有傾著

德太常注諸旒旌嗚呼哀哉以昭鴻名享國六

十殂落而崩后以初元元年癸酉歲立為皇四海

傷懷擗踊拊心若喪考妣遏密八音嗚呼哀哉

萬方不勝德被海表彌流魂精去此昭昭就彼

冥冥忽兮不見超兮西征既作下官墳塋也不復

故庭爰緘伊銘嗚呼哀哉誄中事具本傳并王莽傳

### 北海王誄

### 傳毅

後漢書北海靖王興齊武王伯升子也建武二年封魯王後徙為北海王顯宗器重

興每有異政輒乘驛問焉立三十九年薨王嘗試守候氏令爲人明畧善聽訟甚得名稱遷弘農太守亦有善政

誅曰永平七年北海靜王薨於是境內市不交易塗無征旅農不修畝室無女工感傷慘怛若喪厥親俯哭后土仰愬皇旻於惟群英列俊靜思勒銘惟王勛德是昭是明存隆其實光曜其聲終始之際於斯爲榮乃作誄曰

覽視昔初若論往代

若順也

有國有家篇籍攸載

貴黻不驕蒲罔不溢莫能履道聲色以卒惟王建國作此藩弼撫綏方域承翼京室對揚休嘉光昭其則溫恭朝夕敦循伊德

曹蒼舒誄

魏文帝

曹冲字蒼舒魏公操子母曰環夫人魏文帝之弟也少聰察岐嶷有成人之智年十三病卒曹公哀甚爲娉甄氏女與合葬贈騎都尉印綬

惟建安十有五年五月甲戌童子曹蒼舒卒嗚呼哀哉乃作誄曰

於惟淑弟懿矣純良誕豐令質荷天之光旣哲且仁爰柔克剛彼德之容茲義肇行猗歟公子終然允臧宜逢介祉以永無疆如何昊天雕斯俊英嗚呼哀哉惟人之生忽若朝露役役一作促促百年

亶二行暮矧爾夙天十三而卒何辜于天景命不

遂蕪悲增傷佗條失氣離騷佗鬱邑余佗條兮佗救加

志貌冰思長懷哀爾罔極貽尔良妃謂甄氏合葬左傳

遂爾嘉服謂贈越以乙酉宅彼城隅增丘我二寢廟

渠二詩夏屋渠二姻媁雲會充路盈衢悠二群司

爰二其車傾都蕩邑爰迄爾居魂而有靈庶可

以娛嗚呼哀哉禮男子十三成童死則稱下殤言未成

朝命服以加之為立寢廟悼禮其矣曹氏父子所謂小人而無忌憚者也

古文苑卷第二十



古文苑卷第二十一

賦十四首

舊編載此諸篇文多殘缺搜檢它集互加參證或補及數句猶非全文姑存卷末以俟博訪

賈誼虛賦

劉向請雨華山賦

劉歆甘泉宮賦

傅毅琴賦

蔡邕協和昏賦

胡栗賦

琴賦

述行賦

魏文帝浮淮賦

王粲大暑賦

曹植述行賦

劉楨大暑賦

應瑒靈河賦

頌三首

傅毅東巡頌

蔡邕東巡頌

南巡頌

蔡邕九惟文一首

虞賦

賈誼

考工記梓人為筍虞天下之大獸五虞者羽者鱗者以為筍虞注樂器所縣橫曰筍植曰虞此賦蓋指鍾虞前後俱闕文

妙彫文以刻鏤兮象巨獸之屈奇兮

息氏為鍾鄭玄注今

時旋有蹲熊盤龍辟邪

戴高角之峩峩負大鍾而顧飛美

哉爛兮亦天地之大式

歐陽詢藝文類聚載賈誼廣銘云致太平以深志象

巨獸之屈奇妙彫文以刻鏤舒循尾之采垂舉其錐牙以左右相指負大鍾而欲飛

請雨華山賦

劉向

字子政西漢書有傳

此文闕訛難讀姑存其舊以俟識者

崆嶮巍靖嶺山清忽幽昧徃曲勃林岑菜崔一作

竭離安連迎螺通谷曼服愧奄草均阿阪般紛

聲沸路遼遠調脩粹耀寒服嶼冥具蘭蔓

散峽青青此雀

林林漆漆路黍稷雲縱忽傳天下

為深壑旅請今深渥水谷密請宜且今所出百鑽

錯清池涌泉淡州鳴一作

鴛翔噪噪殊侶診賞懸

若神悲哀一作

徃徃一作不可語人鹿鹿麇麇林

他他野牛勝握觸熊螽螽律怒佛特林旅象犀

庸遊山陵天陰且雨負日吟棠柘梓桐搯捎母猴

猿木戲手相持睽陽趨榛若風時憚駕飄陽鸞

孔翠文章明豎一作

曠苑倉游山旁悝賴狐貉臨

偏似五言  
緣多闕  
以不可解  
日文章  
者多偽  
者又多  
惜哉  
文士苦  
其人  
記

水凝渾兮不觸果必方蓋格可爲悝陵鯉難神  
龜春夏出游冬自根聖人親之誠虞哉號拖  
何不可勝亦路臨何爲華山

### 甘泉宮賦

劉歆

三輔黃圖甘泉宮一曰雲陽宮秦始皇作在雲陽縣甘泉山漢武增廣之周十九里乃黃帝以來國立祭天處故武帝以後皆於此祀天成帝時揚雄從祠甘泉還奏賦以諷此賦不及祠祀後有闕文也

軼凌陰之地室過陽谷之增城

按黃圖甘泉山在九峻山之北雲陽縣之

西迴天門而鳳舉躡黃帝之明庭

漢郊祀志黃帝按萬靈明庭明

庭者甘泉也

冠高山而爲居乘崑崙而爲宮按軒轅之

舊處居北辰之關中

黃圖咸陽宮殿象天極帝居故此宮在北辰環城之內關一本

作背共工之幽都向炎神之祝融

言負北向南也封巒爲

之東序緣石闕之天梯

封巒石闕皆觀名在甘泉苑垣內

桂木雜

而成行芳肱蠶之依依斐斐翠孔雀飛而翱翔鳳

凰止而集栖甘醴涌於中庭激清流之瀾二黃

龍遊而宛壇

音宛

神龜沉於玉泥離宮特館接

比相連雲起波駭星布彌山高巒峻阻臨兆廣

衍深林蒲葦涌水清泉芙蓉菡萏蓂莢蓂蓂蓂蓂

章雜木榎松柞栝女貞烏勃桃李棗棗櫨

### 琴賦

傅毅

字武仲東漢人

一曰譚初論神農氏削桐為琴繩絲為弦以通神明之德合天人之和廣雅曰神農氏琴長三尺六寸六分上有五絃曰宮商角徵羽文王增二弦曰少宮少商

歷松岑而將降睹鴻梧於幽阻高百仞而不枉對脩條而特處蹈通涯而特遊圖茲梧之所宜信雅琴之麗樸乃弁一作升伐其孫枝孫枝附生枝也係技在量所任至人摠思制為雅琴眉山蘇氏曰凡木本實而未虛惟桐反之試取小枝削皆堅實如蠟而其本皆空故世所以重其孫枝者貴其質故絲中有木声也命離婁使布繩施公輸之剖剗遂雕琢而成器揆神農之初制盡聲變之奧妙舒心志之鬱滯

### 協和昏賦

### 蔡邕

嫁娶合二姓之好正人倫之始用昏時者取幽陰之義也故謂之昏禮

惟情性之至好歡莫偉乎夫婦受精靈之造化固神明之所使事深微以玄妙實人倫之所始考遂初往古也之原本覽陰陽之綱紀乾坤和其

剛柔

乾剛坤柔有夫婦配合之義

艮兌感其脢腓

艮少男兌少女感應而為成聖

人列於下篇之首以象夫婦成其脢咸其腓皆爻辭

葛覃恐其失時

毛詩葛覃言女

功之事恐失時豈齊魯魯時邪

標梅求其庶士

詩標有梅男女及時也其三章曰求我庶

士迨其謂之

唯休和之盛代

休音响也和也

男女德乎

年齒

古者男二十至三十女十五至二十謂之盛年嫁娶之時也

婚姻協而莫違

播欣欣之繁祉

謂室家相宜子孫日熾風俗醇厚

良辰既至

昏禮已舉二族崇飾威儀有序嘉賓僚黨祁祁

雲聚車服照路駉駉如舉駉駉車旁兩馬也如舉言均齊既臻門

屏結軌下車親迎儀壻入奠八鴈姆奉女出登車至其家俟婦下車揖之道可以入軌車轅也

阿傳也御堅鴈行蹉跎麗女盛飾曄如春華後

### 琴賦

琴操曰昔伏羲氏作琴以修身理性反天真也此賦首尾俱有關文

清聲發兮五音舉韻宮商兮動徵羽曲引興兮

繁絲撫然後哀聲既發秘弄乃開琴調有曲有引有弄今所傳如

明妃引蔡氏五弄左手抑揚右手徘徊抵掌反復抑按藏

摧於是繁絃既抑雅韻乃揚仲尼思歸夫子將之晉及河間

鳴擯寶擘之見殺也回輿而旋作取操其辭曰復我舊盧從吾所好其樂只且見孔叢子鹿鳴三

章禮記宵雅肆三謂鹿鳴而下三章蔡邕琴操曰鹿鳴周大臣之所作也梁甫悲吟古樂府有

太山梁父吟周公越裳周公輔成王越裳氏重譯來貢青雀西飛青雀西王

母之使青鸞也琴操有離鸞別鶴東翔商陵牧子娶妻五年無子父兄欲為改娶牧子援琴鼓之

嘆別鶴以寄其憤悶飲馬長城古樂府有飲馬長城窟行楚曲明光琴譜有楚王操

有楚明光曲八者琴操曲名也走獸率舞書搏拊琴瑟以詠百獸率舞飛鳥下翔

師曠為晉平公鼓琴有玄鶴二八翔舞感激絃歌一低一昂

### 胡栗賦

邕自序云人有折蔡氏祠前栗者故作斯賦

樹遐方之嘉木兮樹種也謂此木元非中國植物來自胡也于靈宇之前

庭通二門以征行兮夾堦除而列生彌霜積雪之不彫  
兮當春夏而滋榮因本心以誕節兮凝去日榮之綠英  
形猗猗以艷茂兮似翠玉之清明何根莖之豐美兮  
將蕃熾以悠長遇禍賊之災人兮嗟夭折以摧傷

### 述行賦

余有行于京洛

漢之東都河南尹也

遘淫雨之經時途迤邐其

蹇連潦汗滯而為災聊弘慮思以存古宣幽情而屬辭

行游目以南望覽太室之威靈

山海經嵩高為太室山

顧大河

于北垠覩洛汭之始并

禹貢註洛汭洛入河南鞏縣東

率陵阿以

登降赴偃師而精勤壯田橫之奉首義二士之夾墳

西漢田儂傳高帝召田橫橫與其客二人乘傳詣洛陽至尸解廐置自剄令客奉其頭馳奏高帝以王禮

葬橫既葬二客穿其塚旁皆自剄從之後漢郡國志河南偃師縣有尸鄉春秋時曰尸氏註田橫自殺處

### 浮淮賦

序見王粲浮淮賦前

魏文帝

泝淮水而南邁兮泛洪濤之湟波仰嚴岡之崇阻兮

經東山之曲阿浮飛舟之萬艘兮建干將之鉞戈

干將兵之

良治能鑄劍故後人名寶劍為干將揚雲旗之繽紛兮聆榜人之謹誦

也月令乃撞金鐘爰伐雷鼓白旌冲天黃鉞扈扈

左仗黃鉞

右秉白旄以麾鉞以誅伐飾之以金旄以進退軍士色尚白武將奮發驍騎赫怒於是驚

風泛涌波駭衆帆張羣櫂起爭先逐進莫適相待

### 大暑賦

王粲

惟林鍾之季月

季夏月建未律中林鍾

重陽積而上升

夏至

生大暑者六月中氣二陰並進故群陽上升喜潤土之源暑

大暑後五日扇温

扇温

風而至與六月節節獸狼望以倚喘鳥垂翼而弗翔

遠昆吾之中景鄭語注祝融之孫封於昆吾祝融炎帝之任天地翕其同

光征夫瘼於原野處者困於門堂患衽席之焚

灼譬烘燎之在床起屏營而東西欲避之而無

方仰庭槐而嘯風風既至而如湯氣呼吸以怯

短汗雨下而霑裳於是帝后順時幸九峻之陰

岡託甘泉之清野御華殿於林光三輔黃圖成陽在九峻山南始

皇營宮殿北至九峻甘泉南至鄠杜離宮別館相望漢武增廣之有高光宮林光官潛廣室之邃

宇激寒流於下堂重屋百層曾垂蔭千廡九闥洞開

周帷高舉堅冰常奠寒饌代叙闕

### 述行賦

曹植曹公操次子後封陳王謚思

尋曲路之南隅觀秦政之驪墳始皇名政葬於驪山哀黔首

之惟毒酷始皇之為君濯余身于秦井溫泉也律

湯液之若焚

### 大暑賦

劉楨字公幹為魏司空軍謀祭酒掾屬

其為暑者也羲和揔駕發扶木羲和日御也日出於扶桑一曰若木太

陽為輿達炎燭靈威參垂步朱轂南方赤帝赫赫曰靈威仰赫赫

炎炎烈烈暉暉若熾燎之附體又溫泉而沉肌

獸喘氣於玄景鳥戢翼於高危農畷捉罇而去

疇罇在因反農器鐵首織女釋杼而下機温風至而增熱張衡思

風翕其增熱 歎悒悒而無依披襟領而長嘯冀微風之來思

### 靈河賦

河源出崑崙上與天漢流通故曰靈河

應瑒

字德璉曹公辟丞相掾後為五官將文學有文名與魯國孔融廣陵陳琳山陽王粲北海徐幹陳留阮瑀東平劉楨謂之建安七子

咨靈川之遐源兮于崑崙之神丘凌增城之陰隅兮賴后土之潛流衝積石之重險兮披山麓之溢浮蹶龍黃而南邁兮紆鴻體而因流

注蒲昌海潛行地南下南出於積石禹貢導河積石至于龍門蹶郭璞云發源高更激湊故水色白潛流地中受渠衆多

濁故水色黃西北人謂水為龍蹶俱衛反毛氏詩注蹶動也涉津洛之阪

一作泉播九道乎中州

禹貢又北播為九河注北分騰鷲兮恒疊疊而徂征肇乘高而迅逝兮陽侯

波神沛而震驚有漢中葉兮金隄隤而瓠子傾

興萬乘而親務兮董君后而來營下淇園之豐

篠兮投璧玉而沈星

史記文帝時河決金隄武帝元光中河決瓠子於是天子臨決

河沈白馬王璧今羣臣從官自將軍以下皆負薪填決河取淇園之竹以為捷若夫長杉峻檟

茂栝芬檀扶疏灌列

灌音貫木叢生也詩黃鳥于飛集于灌木防隆條動而暢清風白日顯而曜殊光

息樹衆木於隄上以固護



東巡頌

傅毅

一本作崔駰

漢光武中興三葉至章帝按本紀建初八年冬十二月東巡狩又元和二年二月幸

太山柴告岱宗

伊漢中興三葉於皇維烈允迪厥倫續王命胤漢興矩坤度以範物規乾則以陶鈞於是考上帝以質中惣列宿於北辰開太微敞禁庭延儒林以諮詢岱岳之事于時典司耆耆載華抱實徵一本作迫爾而造曰盛乎大漢既重雍而襲熙代增其德唯斯岳禮久而不脩此神人之所慶幸海內之所想思頌有喬山之征周頌時邁巡守吉祭柴望也其詩曰

懷柔百神及河喬岳又般之詩曰陟其高山墮山喬岳典有祖岳之巡舜典歲二

至于時邁其邦周頌時邁其邦人斯攸勤不亦宜東岳昊天其子之

哉乃命太僕馴六轡一本作駟閑路馬戒師徒於是乘

輿登天靈之威路駕太一之象車升九龍之華

旗建掃霓之旌旄哀胡耆之元老聘東作之上

游賞孝行之峻農

東巡頌

蔡邕

一本作班固

竊見巡狩岱宗柴望山虞宗祀明堂上稽帝堯中述世宗遵奉光武禮儀備且動自聖心是以神明屢應休徵乃降不勝狂簡之情謹上岱宗

頌一篇曰若稽古在漢迪哲聿修厥德憲章丕烈  
朝六龍較五路齊百僚陶素質命南重  
以司歷厥中月之六辰備天官之列衛盛輿服  
而東巡後闕

南巡頌

惟漢再受命爰葉一十協景和則天經郊高宗  
光六幽通神明既禘祖於西郊又將禘於南庭  
是時聖上運天官之法駕建日月之旃旌

九惟文

惟也此文乃九惟之一後當有闕文否則以貧爲病不思所以憂之徒見頌文亦非作文之公

八惟困乏憂心殷殷天之生我星宿值貧如祿命書所推  
六極之厄洪範六極四曰貧獨我斯勤居處浮澗無以自  
任冬日栗栗上下同雲無衣無褐何以自溫六  
月徂暑炎赫來臻無絺無綌何以蔽身無餉不  
飽永離權欣



古文苑唐人之所集梁昭明之所選也昭明曷為選之蓋以法而為之去取也唐人曷為集之蓋思古而貴於無存也去取以法所以示後學之執範無存乎古所以廣後學之求深其功一也於是集也其辭麗而義幽深由唐迄今垂數百載觀者罕究其極心以林章君之憂之也且之研精覃實披採群說而傳而空釋之使開卷者一覽而得其指及之謂好古博雅之君子矣章君不忍自私停眊後日欲編諸梓以貽後學而書初考適拜司教之命惟厥志之不酬乃以其業屬之友改歲在丙申六月畢工明年四月僕到官收半載章君之子淳過僕尽取其版訂刊者之誤凡二

可餘字而章君之志益明非其善繼  
嗜克爾耶昔向傳洪範乃歆異之君子  
以為恨今章君有淳過向遠矣僕於  
章君實疑其隔汶之餘芬思見其  
為不的何今出其有賢子也故喜而  
之嘉熙丁酉良月桂巖江師心書

如杞於章公為子姓公之子淳且同庚  
非角束淳游章氏塾相同筆一朝夕則

耳聞目見輒著乎心及長妻兄子

至甥館者無虛歲每見公卷紱家食惟以  
著書六言為事暨薄官因任南徐值公今  
吳門倅毗陵輪相接也書問往來自訪古  
書之外不言它公之志向概可見已癸巳  
冬由餉幘終更假道東歸留倅治者旬  
旬見會稔以所述古文苑藁方授楷書更將付  
諸梓俾典訂正以歲莫亟行而未究明年

公除司鼓留幕以遺後人程丑

士龍寔為

代用能成公之志丙申六月廿二成而公以

乙未六月先為古人矣又繼之者江君懋

復為訂刊者之誤書於是乎有傳公去常

越十有二年丙午冬如杞承之佐州遠繼

其後峙庭雙檜可比甘棠緬想典刑儼然

如在公餘以所刊板鱗次先後遇板有蠹

蝕者字小漫漶者即命工補之及

偏旁差訛者數字益嚴局知護言

庶可以詔久傳遠嗚呼哲人云亡猶幸是

書之僅存也讀其書如見其人因其言以

求其心無愧前脩後學者事也龍舊梓

非曰敢私敬誌下方尤有望於來者淳祐

丁未月正元日承議郎通判常州軍州事

古替盛如杞謹書



圖書在版編目(CIP)數據

古文苑〔宋〕章樞註.—北京：北京圖書館出版社，  
2003.12

(中華再造善本)

ISBN 7-5013-2343-7

I. 古… II. 章… III. ①古典詩歌—作品集—中國—  
周代~南齊(479-502) ②古典散文—作品集—中國—周  
代~南齊(479-502) IV. I212.1

中國版本圖書館CIP數據核字(2003)第105321號

ISBN 7-5013-2343-7



9 787501 323432 >

書名 古文苑(全十冊)  
著者 〔宋〕章樞 註

出版 北京圖書館出版社(100034 北京市西城區文津街七號)

發行 Tel: (010) 66151313 Fax: (010) 66174391

E-mail: Btsfxb@public1.nlc.gov.cn

Website: www.nlcpress.com

印刷 金壇市古籍印刷廠

開本 八

印張 七八·二五

版次 二〇〇三年十二月第一版第一次印刷

印數 一—二〇〇〇

書號 ISBN 7-5013-2343-7 / K·736

定價 二五·一〇圓

